

鑑率民兵出戰敗之

斬獲二百餘級

三月流賊復掠石康東堂鄉羅鑑率兵追之

戰於倒木嶺遇害

時賊衆兵少鑑矢竭遂遇害

冬十二月賊陷永安城

廣西龍山賊寇靈山太學生檀昭擊之戰敗

遇害靈山大旱

斛米千錢

八年春正月詔免稅役

詔廣東等處賊寇生發多因官司採辦物

料守命不得其人以致饑寒逼身不得已而嘯聚為盜情犯雖重詔書到日有能悔過自新者悉宥其罪聽從復業本分生理所司加意優恤弗究前罪戶丁拖欠稅糧

等項悉皆蠲免仍免雜派差役三年

成化元年秋八月乙卯大藤賊分寇陷廉州

僉都御史韓雍遣將削平之

三年冬十月流賊陷石康知縣羅紳死之見死

節十一月賊犯靈山把總滕漢督兵追之遂

克復石康縣

七年以石康縣併入合浦時知府林錦具奏裁革

十一年冬十二月免水災田租

十五年冬靈山大冇年

十六年僉事林錦征八寨諸賊寨賊自天順以來負固行

剗錦奏調官軍征之知府劉烜撫之分任永平諸山

十七年知府劉烜毀淫祠

弘治十一年秋七月乙巳初昏有星自東南

流於西北聲震如雷

十三年秋靈山大冇年

十四年春彗星見于東南

正德三年寨賊黃師苟肆掠僉事鄧槩討平

之自知府劉烜安撫之後入寨餘黨時為民害槩以三府檄調兵討之賊皆奔竄命總

旗王英千戶陳容以招撫誘之凡擒六十餘人至是稍戢

六年夏五月廉州府學泮池產芝五莖產紫芝四

青芝一人以為郡守沈給德政所致后嘉靖二十四年郡守胡鰲建應芝亭

七年賊首廖公廣寇靈山合浦僉事李志剛

誘而擒之公廣以八寨餘黨居永平寨古耕民田不輸賦稅日益作孽志剛聞

軍門以計擒之

八年秋八月安南入寇欽州百戶謝惠帥兵

往禦敗於淡水灣死之時官軍僅滿百賊兵數倍眾寡不敵惠遂

戰沒免者止四五人是歲大饑

九年詔採珠

十年大饑

是年刺竹實如麥
氏多採而食之

十一年冬十月交賊寇西鹽場指揮范鎧擊

敗之

斬獲百餘級

靈山大水

十三年詔採珠

十四年秋八月交賊入寇舟至方家港欽州

千戶趙瑾擊敗之

時知州李純以入試公出
瑾率官兵擊之乃遁

嘉靖元年詔免民田租之半

五年詔採珠

秋八月賊劫欽州庫

冬十二月大雨雪

池水冰結樹木皆枯民多凍死時採珠海上螺筐夜

有火光人

皆異之

八年廉饑

同知章諱下鄉親閱賑之

冬十二月合浦地震

九年秋九月合浦地震

十年春詔革守珠池內官

從撫院林富之請也

秋八月詔採珠

冬十二月賊劫靈山縣庫監生莫如勤率兵

擒之

先是八年之間劫庫者四未有得賊要領者至是始擒城而入設巡捕百戶邵經

及民兵七人攻開長春門而去如勤率軍
快尾之至永淳縣獲賊杜得勝等五人鞠
出黨類送
軍門斬之

十三年夏四月靈山旱 秋八月彗星見

十五年知府張岳遷合浦儒學於郡城之南

十六年夏安南黎太陽黃父命黃父郡來奔

時莫登
庸內亂

夏六月大雨雹

十七年知府張岳卽元妙觀改建府學

十八年欽靈大疫

十九年春命兵部尚書毛伯溫咸寧侯仇鸞

如廣東議處安南 冬安南莫登庸降納

十一月初三日登庸素衣繫組率小日者士等各以尺帛束頸赴鎮南關投款遙望龍亭恐懼俯伏脫履跣足北面五拜三叩頭畢隨向軍門再拜時布政楊銓祀續參政蕭曉張岳翁萬達副使鄭宗右僉事許路總兵張純參將李榮都指揮石法等論恩威暫令待罪還國登庸遣親姪莫文明舊臣許三省等二十八人奉表入朝願請正朔去僭號歸欽州四崗侵地伯溫納降奏聞 詔從之

二十一年夏六月收復四崗民歸籍

二十二年採珠

二十六年夏合浦饑 安南彘裔莫正中莫

文明莫福山率其家屬百餘人來奔

時阮敬擅權作

亂登庸次子莫正中奔欽州投訴提督侍郎張岳奏發肇慶清遠安插給米有差

二十七年冬十月安南叛賊范子儀范子流

等率眾寇欽州百戶許鎮與戰於龍門港死

之命都指揮俞大猷督兵剿之伏誅

子儀率

師擁眾至欽州詐稱弘漢已卒以迎莫正中嗣立為名圍城劫眾殺傷官兵提督侍郎歐陽必進請改福建指揮俞大猷於廣東都司督調漢達士兵一萬禦之生擒范子流俘斬一千一百餘級子儀乘風遁走既而弘漢擒斬之函首軍門

三十一年秋合浦大水

三十六年詔採珠

秋黑青見

相傳始至若

多人家皆采婦女堂中環守之鑼鼓之聲徹夜然所中皆平日無行之婦則妖不勝

正信矣

三十七年春合浦西市里社產異菌

詳見遺事

三十九年秋賊劫欽州庫焚後衙

知州以採珠公出

四十年春三月海寇至大石屯登岸逼近郊

知府熊琦率官兵禦之賊乘潮走

四十一年春詔採珠冬復採珠是歲竹有花

實